

Powšitkowne WOZJEWJENJA

njedźelu, 21. februara 2016

Hłowna wólbna zhromadźizna TCM

Předsydstwo Towarstwa Cyrila a Metoda z.t. (TCM) přeprašuje wšitkich člonow towarstwa, člonow sekcijow a korporacijow kaž tež zajimowanych hosći na swoju hłownu wólbnu zhromadźiznu póndźelu, 22. februara, do Radworja. Započnjemy we 18.30 hodź. z Božej mšu w cyrkwi. Přizamknje so zhromadźizna z wólbou předsydstwa na farje. Sćehowacy dnjowy porjad je předwidźany:

1. zahajenje
2. wólba nawody zhromadźizny
3. rozprawy předsydstwa, nawodow korporacijow a sekcijow
4. financna rozprawa
5. rozprawa rewizijneje komisije
6. diskusija a schwalenje rozprawow
7. wuzwolenje wólbneje komisije
8. wólbje předsydstwa a rewizijneje komisije
9. zakónčenje / modlitwa

Jurij Špitank, předsyda TCM

Do a po hłownej zhromadźiznje změja člonojo składnosć, swój lětni přinošk we wysokosći pjeć eurow zapłaćić.

Putnikowanje swójbow

Putnikowanje swójbow ze serbskich wosadow do Róžanta budže třecu póstnu njedźelu, 28. februara. Božu mšu w hnadownej cyrkwi w 9 hodź. změje farar Beno Jakubaš.

„Njezranliwa? Čłowječa dostojnosć“

Druhi wječor w rjedže lětušich póstnych seminarow w Smochčanskim Domje biskopa Bena póndźelu, 22. februara, steji pod heslom „Njezranliwej? Spočatk a kónc žiwjenja“. Přednošk změje profesor dr. Andreas Lob-Hüdepol z Berlina. Tydžeń pozdžišo, póndźelu, 29. februara, porěči profesor dr. Ulf Liedtke z Lipska k temje „Njezranliwe? Žiwjenje ze zbrašenjom“. Započatk je stajnje w 19.30 hodź. Mjez sobuzarjadowarjami je Towarstwo Cyrila a Metoda z.t.

Bratrowstwo hraje w Šunowje

Přichodne předstajenje dźiwadłoweje hry „Hdyž kokula woła“ budže tutu njedźelu, 21. februara, w 16.00 hodź. w Šunowskej „Fabrikskej hospodže“. Dźiwadłowa skupina Bratrowstwa wšitkich wutrobnje přeprašuje.

Komplet a tójšto wjace

Přeprašujemoj wšitkich młodostnych wutrobnje na přichodne zarjadowanja dekanatneje młodžiny w póstnym času, kotrež maja dušinemu natankowanju a rozmyslowanju słužić:

sobotu, 27. februara, w 20 hodž. – komplet w Chrósćicach

sobotu, 5. měrca, w 20 hodž. – komplet (mision) w Kulowje

sobotu, 12. měrca, w 20 hodž. – komplet w Njebjelčicach

pjatk, 18. měrca, w 20 hodž. – nóc wujednanja w Róžeńće

njedźelu, 20. měrca, w 14 hodž. – křižowy puć w Pančicach-Kukowje

Po kompletach je stajnje něšto spřihotowane. Dajće so překwapić!

Póstny čas njech słuži tež jako přihot na Swětowe zetkanje młodžiny. Štóž ma hišće zajim, na zetkanje do Krakowa sobu jěć, njech so hač do soboty, 20. februara, w młodžinskim dekanatnym dušepastyrstwe přizjewi.

Leńka a Lucija, młodžinskej referentce

Putniska jězba do Španiskeje a Portugalskeje

Wšitcy zajimcy su wutrobnje na putnisku jězbu z busom do Španiskeje a Portugalskeje přeprašeni, kotraž budže wot soboty do njedźele, 9. do 17. julija. Wopytaja Barcelonu z katedralu Sagrada Familia, španisku stolicu Madrid, Avilu a Albu – městnje skutkowanja swjateje Terezy z Avile – a znatej putniskej městnje Fatimu a Santiago de Compostela. Přizjewjenja su móžne pola Šmitec w Radworju, telefonowe čisło (03 59 35) 28 60 abo z mailku na adresu: email@schmidt-reisen-radibor.de.